



17 FEB, 2024

HANDCARRY BERDUIT

Harian Metro, Malaysia



Page 1 of 2

Oleh Samadi Ahmad
 am@hmetro.com.my

Putrajaya

Jabatan Kastam Diraja Malaysia (JKDM) Zon Tengah (Unit III) Lapangan Terbang Antarabangsa Kuala Lumpur (KLIA) mematahkan cubaan menyeludup keluar wang tunai berjumlah RM170,000 pada 27 Januari lalu.

Pengarah Operasi Penguatkuasaan JKDM Zon Tengah, Wong Pun Sian berkata, pada jam 10 pagi Pegawai Cawangan Pemeriksaan JKDM dengan bantuan Aviation Security (AVSEC) Malaysia Airports Berhad menahan seorang penumpang warga China di balai berlepas KLIA yang ingin berlepas ke Lapangan Terbang Antarabangsa Suvarnabhumi Bangkok, Thailand.

Menurutnya, hasil pengimbasan ke atas beg galas dibawa penumpang itu mendapati terdapat daga-
 ngan yang disyaki sejumlah wang tunai.

Katanya, pemeriksaan lanjut menjumpai wang tunai dengan nota RM100 sebanyak 1,700 helai dengan anggaran nilai keseluruhan RM170,000.

"Penumpang itu didapati tiada dan gagal membuat pengikraran dalam Borang Kastam No. 7 serta gagal mengemukakan permit

HANDCARRY BERDUIT

*Kastam tahan warga China cuba
 seludup keluar wang tunai RM170k*



PUN Sian (dua dari kiri) menunjukkan ringgit Malaysia yang dirampas dalam cubaan untuk diseludup keluar oleh warga China ke Thailand. - Gambar ihsan JKDM

kebenaran dari Bank Negara Malaysia (BNM)," katanya melalui satu kenyataan, semalam.

Pun Sian berkata, kes penyeludupan matawang ringgit Malaysia ini pertama kali berlaku mem-
 babitkan penumpang antarabangsa melalui balai berlepas KLIA.

Menurutnya, modus operandi suspek adalah dengan membawa wang tunai secara *handcarry* di dalam beg galas tanpa membuat pengikraran.

Katanya, kes disiasat mengikut Seksyen 135(1)(a) Akta Kastam 1967 dan Seksyen 28B Akta Pencegahan Pengubahan Wang Ha-

ram, Pencegahan Pembiayaan Keganasan dan Hasil daripada Aktiviti Haram (AMLAFTPUAA 2001) yang mana jika disabitkan kesalahan suspek boleh didenda tidak melebihi RM3 juta atau dipenjara selama tempoh tidak melebihi lima tahun atau kedua-duanya.



17 FEB, 2024

HANDCARRY BERDUIT

Harian Metro, Malaysia



SUMMARIES

P utrajaya Jabatan Kastam Diraja Malaysia (JKDM) Zon Tengah (Unit III) Lapangan Terbang Antarabangsa Kuala Lumpur (KLIA) mematahkan cubaan menyeludup keluar wang tunai berjumlah RM170,000 pada 27 Januari lalu.Pengarah Operasi Penguatkuasaan JKDM Zon Tengah, Wong Pun Sian berkata, pada jam 10 pagi Pegawai Cawangan Pemeriksaan JKDM dengan bantuan Aviation Security (AVSEC) Malaysia Airports Berhad menahan seorang penumpang warga China di balai berlepas KLIA yang ingin berlepas ke Lapangan Terbang Antarabangsa Suvarnabhumi Bangkok, Thailand.